



Служба сръбтенію

чѡдотвѡрныа ікѡны пресѣѡа, бѣѡы,

їаже нарицáется владімірскаа.



Слѣже срѣтенію чѣдотвѣрныа ікѡны пресѣѣм, бѣѣ,  
 гѣже нарицаѣтсѣ владимѣрскаѣ.

Канонархъ: гласъ д, подобенъ: Гѣкѡ дѡбѣм: Нѣз глѣбныи воззвахъ къ  
 тебѣ гдѣ, гдѣ, оубѣлиши гласъ мой. Гѣкѡ свѣтѡноснаѣ палѣта...

Т.І  
 Т.ІІ  
 Бар.  
 Б.

Гѣ - кѡ свѣ - то - но - сна - ѣ па - ла - та, и ѡдрѣ все - зла - тѣи  
 бо - го - ро - ди - це бла - ды - чи - це: ты бо сло - во бо -  
 жи - е во тво - ихъ ло - жехъ вмѣ - стѣ - ла е - си, и рожд - ши намъ  
 солн - це не - за - хо - ди - мо - е, свѣтъ не - ве - чѣр - ний:  
 на - ша прѣжде неразѣмѣмъ ѡ - мра - чѣн - на - ѣ серд - ца бла - го - ра - зѣ - мѣмъ  
 ѡ - свѣ - тѣ - ти - ла е - си, и льсти тмѣ ра - зо - рѣ - ла е - си.

Канонархъ: да бѣдѣтъ оуши твоѣ, внѣмлющѣ гласъ молѣніа моего.

Твоимъ рожтвоимъ ядова крепость разориса,

Тво-имъ рож-дест-воимъ я-до-ва крѣ-пость ра-зо-ри-са,

и вѣ-че-ло-вѣ-чест-во спа-се-но бы-сть. ны-нѣ же

тво-и-ми мо-лит-ва-ми вра-гѣмъ на-шихъ ша-тá-ни-е ннз-ло-жи,

и крѣ-пость ихъ со-крѣ-ши, и лю-демъ тво-имъ

по-бѣ-ды на вра-гѣ дá-рѣи, да по-сра-мат-са всѣ

яв-ла-ю-щи-и ра-бѣмъ тво-имъ сла-ва.

Канонаρχъ: глѣз ѿ, подобенъ: ѿ преслѣбнагѡ чюдесе!

ѿще беззаконїа на́зриши гдѣи, гдѣи, кто̀ постоитъ;

ѿ - кв оу́ те - бѣ ѡ - чн - щѣ - нї - е ѿсть. ѿ прѣ - слѣв - на - гѡ

чѡ - де - се! ѿ - же не - вѣ - стї - мый не - бе - сы,

ѿ ѿн - ге - лы слѣ - ви - мый, ѿ ѡ се - ра - фі - мѡвъ по - ѣ - мый,

на зѣм - лю со - шѣдъ въ тво - ю оу́ - трѡ - бѣ вѣ - стї - са, ѿ ключа

дѣвот - ва не - раз - рѣ - шнѣ: на - ше ѿстество̀ дрѣвле ѡ дїаво - ла

мѡ - чн - мо ѿз - ѡтѣ, ѿ вѣсь рѡдъ че - ло - вѣ - чес - кїй сво - бо - днѣ,

ТЕ-БЕ́ ЖЕ, ГОС-ПО-ЖЕ́, ЗА-СТѸП-НИ-ЦѸ НАМЪ ДА-РО-ВЛ. ТѢМЪ НЕ ПРЕ-

СТА́И СО-ХРА-НА́ - ТИ ѿ СПА-СА́ - ТИ ДУ-ШЫ НА-ША, ГЛ҃КѸ МИ-ЛО-СЕР - ДА.

Канонархъ:

И́МЕНЕ РА́ДНІ ТВОЕГѸ, ПОТЕРПѢ́ХЪ ТЛѸ ГДІ, ПОТЕРПѢ́ ДУ-ША́ МОѸ ВЪ СЛѸВО ТВОЕ́,

ОУ́-ПО-ВЛ ДУ-ША́ МО-Ѹ НА ГОС - ПО - ДА. ѿ ПРЕ-СЛА́В - НА - ГѸ

У-ДЕ - СЕ́! СЕ́ ЗА-СТѸП-ЛѢ - НИ - Е ПРІ - Ї - ДЕ,

У-ПРО-ТНѢ-ЛѢ-НИ - Е НИЗ-ЛО-ЖІ - СѸ. ГРА́ДЪ НА́ШЪ СПА-СІ, ВРА-ГНІ НА́-ША

ПРО-ЖЕ-НИ, ѿ НА́СЪ РА-БѸВЪ ТВО-НѸЪ ТВО-Е́ - Ю МИ - ЛО-СТІ-Ю ВОЗ-ВЕ-СЕ-ЛИ.

ѿ БО - жі - ѿ СЛÓ - ВА СЕ - ЛЕ - НИ - Е, РО́ДЪ ЧЕ - ЛО - ВЪ - ЧЕС - КИЙ  
 ЧТЪ - ЦИЙ ЧА́ ВСЕ - ГА́ СПА - САНЪ ѿ ВСѢХЪ БѢДЪ.

**Срѣтение чудотворной иконы Пресвятыя Богородицы,  
яже нарицается «Владимирская»**

**ВЕЧЕР**

**Блажен муж:**

**НА «ГОСПОДИ, ВОЗЗВАХ»: СТИХИРЫ НА 8, ГЛАС 4.**

**Подобен: Яко дѡбля:**

**3. Стих:** Из глубины воззвах к Тебе, Господи,/ Господи,  
услыши глас мой.

**Яко** светонѡсная палата/ и одр всезлатый, Богородице  
Владычице:/ Ты бо Слово/ Божие/ во Твоих ложеснах  
вместила еси,/ и, рѡдши нам Солнце незаходимое,/ Свет  
невечерний,/ наша прежде неразумием омраченна сердца/  
благоразумием осветила еси, // и льсти тьму разорила  
еси.

**4. Стих:** Да будут уши Твои/ внимлюще гласу моления  
моего.

**Т**воим Рождеством адова крепость разорится, / и все человечество спасено бысть, / ныне же Твоими молитвами / врагов наших шатание низложит, / и крепость их сокрушит, / и людем Твоим победы на враги даруй, / да посрамятся вси, / являющим рабom Твоим злая.

**5. Стих:** Аще беззакония назриши, Господи, Господи, кто постоит; / яко у Тебе очищение есть.

**Б**огородице Владычице, / державная Помощнице, / укрепить славящую Тя страну на враги, / да якоже древле спасла еси Царский град от нахождения поганых, / тако и ныне спаси страну Российскую от нахождения вражия, / от междоусобных рати, / от глады же и труса, / Дево Неискусобрачная. / сего ради Тя славит страна Российская, / человеком Помощницу.

**6. Стих:** Имене ради Твоего потерпех Тя, Господи, потерпе душа моя в слово Твое, / упова душа моя на Господа.

**Н**ыне страна Российская / о Тебе хвалится и веселится, / имеящи Тя Заступницу непостыдную / и стену нерушиму, / граду нашему непоколебимое основание, / стража неусыпна земли Российския. / Не престаи ныне Твоими, Госпоже, молитвами / избавляти Твой град и люди от всех бед.

**7. Стих:** От стражи утренния до нощи, от стражи утренния, / да уповает Израиль на Господа.

**Т**ебе припадают, Госпоже, / святителей сословие и собори, / совокупление всех, монаси и прости и / и весь народ, умильно молящися, / Тебе ныне кланяющися, / и любезно целующе Твой образ, / и молящися, глаголют: / чтущий Тя град всегда спасай от всех бед.



**Ины стихиры, глас 8.**

**Подобен: О, преславнаго чудесе:**

**8. Стих:** Яко у Господа милость и многое у Него избавление:/ и Той избавит Израиля от всех беззаконий его.

**О,** преславнаго чудесе!/ Иже невместимый небесы,/ и Ангелы славимый,/ и от Серафимов поемый,/ на землю сошед, в Твою утробу вместися/ и ключа девства не разруши,/ наше естество, древле от диавола мучимо, изъят/ и весь род человеческий свободи,/ Тебе же, Госпоже, Заступницу нам дарова./ Тем не претай сохраняти/ и спасти души наша, яко Милосерда.

**9. Стих:** Хвалите Господа вси языцы,/ похвалите Его вси людие.

**О,** преславнаго чудесе!/ Се заступление прииде,/ супротивление низложися,/ град наш спаси,/ враги наша прожени/ и нас, рабов Твоих, Твоею милостию возвесели./ **О** Божия Слова селение!/ Род человеческий, чтущий Тя,/ всегда спасай от всех бед.

**10. Стих:** Яко утвердися милость Его на нас,/ и истина Господня пребывает во век.

**Подаждь** утешение Твоим рабom, Чистая,/ напастями одержимым,/ и рог верных вознеси,/ Богородительнице Марие,/ спаси молитвами Твоими град Твой неразрушим,/ и варварская шатания низложит,/ и нас, рабов Твоих, Безневестная,/ хвалящих Тя, спаси.

«Слава, и ныне» – глас 8:

**Приидите, российскийсти собóри,/ приидите, вёрных сово-  
кúплéния,/ в срéтение Царíцы Богоотрокови́цы:/ се бо  
грядёт Царíца Своím óбразом честным, / спасти́ град и  
люди, от сопостáтных погáн невоевáны./ О, чúдо вéлие и  
преслáвное/ и пребóльши умá!/  
Кáко пришéствием чест-  
наго Ея́ óбраза сопротíвнии побежда́ются/ и отéчество  
наше утвержда́ется?/  
Нощь упраздн́ся, и день при-  
бли́жися./ Егóже рáди Тебé, винú спасéния нашего, есте-  
ствó наше приёмлет/ и вся тварь воспева́ет, Ти зову́щи:/  
ра́дуйся, Предстáтельница, и Пóмощнице,/ и спасéние  
душ наших.**

**Вход. Прокíмен дне. Чтения три.**

**Бы́тия чтéние (глава́ 28):**

Изы́де Иа́ков от студенца́ кля́твеннаго и иде в Харра́нь./ И обрете́ место, и спа́ тамо, / зайде  
бо со́лнце;/ и взят от ка́мения ме́ста того́, / и положи́ возгла́вие себе́, / и спа на ме́сте о́ном, и  
сон ви́де./ И се ле́ствица, утвержде́на на земли́, / ея́же глава́ досяза́ше до небéс, / и Ангели  
Бо́жии восхожда́ху и низхожда́ху по ней./ Господь же утвержда́шеся на ней и рече́:/ Аз Бог  
Авраа́мов, отца́ твоего́, и Бог Исаа́ков, не бойся./ Земля́, иде́же ты спи́ши на ней, / тебе́ дам  
ю́ и се́мени твоему́./ И бу́дет се́мя твоё, я́ко песок земный, / и распространи́тся на мо́ре, и  
ли́ву, и се́вер, и на восто́ки, / и возблагословя́тся о тебе́ вся ко́лена земна́я и о се́мени твоём./  
И се Аз с тобо́ю, сохраня́яй ты на вся́ком пу́ти, а́може а́ще по́йдеши./ И возвращу́ ты в зе́млю  
си́ю, я́ко не има́м тебе́ оста́вити, / донде́же сотвори́ти Ми вся, ели́ка глаго́лах тебе́./ И воста́  
Иа́ков от сна своего́ и рече́:/ я́ко есть Господь на ме́сте сем, аз же не ве́дех./ И у́бойся, и ре-  
че́:/ я́ко стра́шно ме́сто сие́, / несть сие́, но дом Бо́жий, / и сия́ врата́ Небе́сная.

**Проро́чества Иезеки́лева чтéние (главы́ 43 и 44):**

Та́ко глаго́лет Господь:/ бу́дет от дне осма́го и прóчее, / сотвори́ят иере́и на олтари́ всесо-  
жже́ния ва́шего / и я́же спасéния ва́шего, / и прииму́ вы, глаго́лет Адо́най Господь./ И обрати́  
мя на пу́ть врат святы́х вне́шних, зря́щих на восто́ки, и сия́ бя́ху затворéна./ И рече́ Господь  
ко мне:/ врата́ сия́ затворéна бу́дут и не отвéрзутся, / и никто́же про́йдет сквозé их, / я́ко Гос-  
подь, Бог Изра́илев, про́йдет ими, и бу́дут затворéна./ Я́ко игу́мен сядет в них снэ́сти хлеб, /  
по пу́ти ела́мских врат вни́дет и по пу́ти его́ изы́дет./ И введе́ мя по пу́ти врат святы́х, су́щих к  
се́веру, пра́мо хра́му, / и ви́дех, и се испо́лнь сла́вы храм Го́сподень.

**При́тчей чтéние (глава́ 9):**

Премúдрость созда́ себе́ дом и утверди́ столпо́в седьмь./ Закла́ своя́ жéртвенная, и раствори́ в  
чаше́ свое́й вино́, / и угото́ва свою́ трапéзу./ Посла́ своя́ рабы́, созыва́ющи с высо́ким пропо-  
ведани́ем на ча́шу, глаго́лющи:/ и́же есть безúмен, да уклони́тся ко мне./ И тре́бующим умá  
рече́:/ приидите, ядите мой хлеб и пийте вино́, е́же раствори́х вам./ Оста́вите безúмие, и живи  
бу́дете./ И взыщите́ ра́зума, да поживе́те / и испра́вите ра́зум в ведении́./ Наказу́яй злы́я  
приимет себе́ безчэ́стие, / облича́яй же нечестива́го опорóчит себе́, / облича́ние бо нечес-  
тíвому – ра́ны ему́./ Не облича́й злых, да не возненави́дят тебе́, / облича́й премúдра, и воз-  
лю́бит тя./ Дажь премúдрому́ винú, и премúдрший бу́дет./ Сказу́й пра́ведному, и приложит  
приима́ти./ Нача́ло премúдрости – страх Го́сподень, / и совет святы́х – ра́зум./ Разуме́ти бо  
закон по́мысла есть блага́го:/ сим бо óбразом мно́гое поживéши вре́мя, / и приложáтся тебе́  
ле́та живота́.

## НА ЛИТИИ СТИХИРЫ, ГЛАС 2. САМОГЛАСНЫ:

**Я**ко войстинну дрэвняго кивота пречестнее,/ егда Давид,  
собра́в чины, ликовствоваше,/ ныне Твоя́, Богородице,  
ико́на,/ Ейже предстоя́т архиереев собо́ри,/ и с чинми  
Ангел,/ и все христоименитых люде́й мно́жество/ дос-  
то́йно блажа́т Тя, ма́терь Бо́жию,/ и прославля́ют рабо-  
ле́пно,/ и че́ствуют, и покланя́ются,/ и мо́лятся Тебе́ по  
Бо́зе:/ да мир умири́ши в правосла́вии,/ и оте́чество ут-  
верди́ши,/ и спасе́ши от всех зол Твоя́ рабы́,/ я́ко еди́на  
Благосло́венная.

**П**редстоя́т Ти, Госпоже́ Богородице,/ пред Твои́м, Пре-  
чи́стая, о́бразом,/ архиереев сосло́вие и вси лю́дие,/ мо-  
на́си и прости́и,/ ве́дуще Тя войстинну Помо́щницу си́льну  
и непобеди́му,/ моле́ния Тебе́ приноси́ти от всея́ души́  
подвиза́ются/ и поуща́ют на моли́тву к Бо́гу,/ тре́бующе  
Твое́й по́мощи,/ да простре́ши богоносны́я Твоя́ ру́ки/ и  
умо́лиши за мир./ Вонми́ и услы́ши, Влады́чице,/ и по-  
да́ждь утеше́ние рабо́м Твои́м,/ донде́же не одоле́ют ны  
грехи́ наша́ тяжкия́ и лю́тыя:/ Твое́й бо всегда́ тре́буем вси  
по́мощи.

**Глас 8:** Пе́рвее написа́вшейся Твое́й ико́не/ ева́нгельских  
та́ин благове́стником/ и к Тебе́, Цари́це, принесенней,/ да  
усво́иши ту/ и си́льну соде́лаеши спасти́ че́ствующия́ Тя./  
И пора́довалася еси́, я́ко су́щи Ми́лостива,/ спасе́ния  
нашего́ Соде́тельница,/ я́ко уста́ и глас ико́не бы́вшие,/ я́коже и Бо́га внегда́ зачина́ющи во чре́ве,/ песнь воспела́  
еси́:/ се отны́не ублажа́т Мя вси ро́ди./ И, на ту зря́щи,  
глаго́лала еси́ со вла́стию:/ с сим о́бразом благода́ть моя́ и  
си́ла./ И мы и́стинно ве́руем, я́ко се рекла́ еси́, Госпоже́:/  
сим о́бразом с на́ми еси́./ Тем благоговейно́ предстоя́ще,  
покланя́емся Тебе́, раби́ Твои́:/ посети́ ны Твои́ми  
Ма́терними щедро́тами.

**Глас 7:** Горá еси вели́кая и пресла́вная,/ па́че горы Си-  
на́йския, Богоро́дице./ Она бо, не терпя́ше снѣтия сла́вы  
Бо́жия, во о́бразех и сѣнех,/ огнѣм возгара́шеся,/ и гро́ми  
и мо́лнии та́мо бы́ша./ Ты же, весь Божѣственный огонь  
сущ,/ Бо́жие Сло́во во чре́ве Твоѣм неопáльно носи́ла еси́/  
и от сосѣц Твои́х млеко́м питала еси́ ма́нием Нося́щаго  
вся./ И Ма́тернее дерзнове́ние к Немú имúщи,/ помози́,  
Влады́чице, вѣрно пра́зднующим Твой честный пра́здник/  
и не забу́ди, ми́лостивно посеща́ющи,/ прия́ла бо еси́ от  
Бо́га дар/ стро́ити и покрывати христоименито́е ста́до, ра-  
бы́ Твоя́.

«Слава, и ныне» – **глас 6:**

**Тебе́** вси роди челове́чести/ хва́льныя да́ры прино́сят,  
Влады́чице,/ и моля́тся я́ко Цари́це и ма́тери Бо́жии,/  
проро́цы Тя премúдро проповѣдаша,/ левíti благосло-  
ви́ша,/ апо́столи и мученицы испове́даша,/ вся сослóвия  
покланя́ются,/ архиере́е проповѣдают,/ мона́си и прости́и  
благоговѣ́ют,/ богáтии и убóзии, сироты́ и вдовы́,/ и всяк  
во́зраст, и вся́ко преспе́яние,/ ста́рческое и мла-  
де́нческое,/ под кров Твой держа́вный с вѣрою прибе-  
га́ем:/ покрый и соблюди́, Госпоже́, моли́твами Твои́ми/ и  
спаси́ от бед ду́ши на́ша.

## **НА СТИХОВНЕ СТИХИРЫ, ГЛАС 8.**

**Подóбен: Что вас наречѣм:**

**Что** Тя наречѣм, Богоро́дице Влады́чице?/ Кóрень ли  
Иессе́ов?/ от Тебе́ бо нам Христóс, я́ко цвет, изы́де./  
Ма́нну ли, вѣрных сердца́ усладя́ющую Твои́м Рожде-  
ствóм?/ Руно́ Гедеóново?/ На Тя бо Христóс, я́ко росá,  
снѣде/ и Тя Застúпницу нам показá./ Егóже моли́ спасти́  
ду́ши на́ша.

**Стих:** Слы́ши, Дщи, и виждь,/ и приклони́ úхо Твоѣ.

Да вси похва́лим, ве́рнии,/ таковы́ нам заступле́ние да́вшую непосты́дное,/ и непребори́мое на враги́ одоле́ние победное,/ и нам всем спасе́ние,/ и гра́ду на́шему стéну и покрóв,/ и основáние непоколеби́мое,/ и оте́честву на́шему на сопоста́ты пособие,/ и непобеди́мую победу.

**Стих:** Кля́тся Госпо́дь Дави́ду и́стиною/ и не отве́ржется ея.

Досто́йно Тя блажи́т челове́ческий род, Чи́стая,/ я́ко спаса́еши чту́щая Тя от всех бед./ Ты бо, Госпоже́ Де́во Чи́стая,/ Засту́пница непосты́дная Твои́м рабо́м показáлася еси́/ и Молитвенница теплá к Бо́гу/ от находя́щих скорбе́й./ Тобо́ю ва́рварская шата́ния разруша́ются/ и стрéлы вра́жия упражня́ются,/ и, раби́ Твои́, от одержáщих бед изба́вльшеся,/ Тя, Богома́ти, пе́снями ублажа́ем.

«Слава, и ныне» – глас то́йже. Самогла́сен:

Да ра́дуются росси́йстии собо́ри,/ да ликóвствует естество́,/ я́ко Твоего́, Чи́стая, честна́го о́браза прише́ствием/ град наш спаса́ется,/ раби́ Твои́, от одержáщих ну́жды изба́вльшеся,/ Тебе́, Чи́стая, взыва́ют:/ ра́дуйся, до́брых вино́вная,/ и Засту́пнице непосты́дная,/ и спасе́ние душ на́ших.

**Тропа́рь, глас 4:**

Днесь свéтло красу́ется сла́внейший гра́д Москва́,/ я́ко зарю́ со́лнечную, восприéмши, Влады́чице,/ чудотво́рную Твою́ ико́ну,/ к нейже ны́не мы притека́юще и моля́щеся Тебе́, взыва́ем си́це:/ о пречу́дная Влады́чице Богоро́дице!/ Моли́ся из Тебе́ воплощённому Христу́ Бо́гу на́шему,/ да изба́вит град сей/ и вся гра́ды и страны́ христиа́нския невреди́мы от всех навет вра́жиих// и спасёт ду́ши на́ша, я́ко Милосе́рд.

**Тропа́рь Пресвяте́й Богоро́дице ра́ди ико́ны ея́ «Елецкия-Владимирския» зри день сей ниже.**

## НА УТРЕНИ

**По 1-й стихоло́гии седа́лен, глас 4.**

**Подобен: Удивися Ио́сиф:**

Божественными заря́ми просвети́ пою́щия Тя и умы́ утверди́, Непоро́чная Де́во,/ крѣпкая Засту́пнице ми́ра всего́./ Те́мже торжеству́ем вси, любви́ю пою́ще Тя и прише́ствие Твоего́ о́браза сла́вяще:/ не престай́, Де́во, моли́твами Твоими́ спаса́ющи рабы́ Твоя́ от всякия́ беды́,/ еди́на Благосло́венная.

**Сла́ва, и ны́не, Богоро́дичен:**

Невѣсто Неискусобра́чная, премудро́сти село́ показáся утроба́ Твоя́ Бо́га Сло́ва:/ Ты бо еди́на, Ма́ти Бо́жия, благо́их Ходáтаица яв́ившися,/ всяких страсте́й изба́ви рабы́ Твоя́, непреста́нно воспева́ющая сла́ву Твою́.

**По 2-й стихоло́гии седа́лен, глас 3.**

**Подобен: Красоте́ де́вства:**

Яко звезда́ многосвѣтлая, взы́де от восто́ка к запа́ду Твой о́браз, Богома́ти,/ озари́ скорби́ тьмо́ю одержи́мых, и преще́ния враг изба́ви,/ и, вся тех се́ти разруши́в, яви́ся Предста́тельница крѣпкая,/ ору́жие непобеди́мое на враги́ ми́ру все́му:/ из Тебе́ бо всех Влады́ка плоть при́им, вся челове́ки обожí.

**Сла́ва, и ны́не, то́йже.**

**По полиеле́и припе́в:**

Досто́йно есть велича́ти Тя, Богоро́дице,/ честне́йшую Херуви́м/ и сла́внейшую без сравне́ния Серафи́м.

**Избранны́й псалом:**

**Боже, суд Твой Царе́ви даждь/ и пра́вду твою́ Сы́ну Царе́ву,/ суди́ти лю́дем Твои́м в правде/ и ни́щим Твоим в суде́./ Суди́т ни́щим людски́м и спасе́т сы́ны убо́гих./ Благовестите́ день от дне спасе́ние Бога на́шего,/ Госпо́дь даст глаго́л благовесту́ющим си́лою мно́гою./ Кля́тсЯ Госпо́дь Давиду́ и́стиною и не отве́ржется ея́./ От плода́ чре́ва Твоего́ посажду́ на престо́ле Твоём./ Сни́дет, яко дождь на руно́, и яко ка́пля, ка́плющая на зѣмлю./ И приклонí Небеса́, и сни́де, и мрак под нога́ма Его́./ Яко избра́ Госпо́дь Си́она, изво́ли его́ в жили́ще Себе́./ Освяти́л есть селѣние Свое́ Вы́шний./ Бог посреде́ его, и не подви́жится./ Пощади́т ни́ща и убо́га и ду́ши убо́гих спасе́т./**



**В**си языцы поработают Ему́./ **В**есь день благословят Его./ **Б**удет утверждение на земли, на версех гор./ **Б**удет Имя Его благословено во веки./ **И** благословятся в Нем вся колена земная./ **Б**лагословен Господь Бог Израилев, творяй чудеса Един./ **И** благословено Имя славы Его в век и в век века./ **И** исполнится славы Его вся земля, буди, буди.

**Слава, и ныне. Аллилуия: Трижды.**

**Таже Седален, глас 1:**

Блаженна еси Ты, Богородице Чистая, величества Твоя кто воспети может?/ Еже чудо страшно и чудо велие содеявши,/ Твоими молитвами, Богомати, чтущий Тя град всегда освобождается от всех бед,/ тьмы и меча, поганных пленения и всякаго гнева./ Темже мы, зряще честное образа Твоего пришествие,/ хвалим, яко Царицу воспевающе, вернии,/ словеси Тя, Чистая, блажаще, глаголем:/ Богородице Чистая, моли воплощенного из Тебе спастися душам нашим.

**Слава, и ныне, тойже.**

**Степенна, 1-й антифон 4-го гласа. Прокимен: Помяну имя Твое/ во всяком роде и роде. Стих: Слыши, Дщи, и виждь, и приклони ухо Твое. Всякое дыхание: Евангелие от Луки, зачало 4.**

**По 50-м псалме стихира, глас 2:**

Готовися, всечестный граде Москва,/ на сретение Девы Богоматере:/ се бо грядет к тебе/ светлое великое солнце от врат затворенных./ Тьма убо скорби твоей отгоняется,/ свет же твоего веселия исполняется,/ буря сопротивных ветров уставляется,/ мужие и священницы в печалех сладкое утешение приемлют,/ Царице единой поклоняются/ и, молящися, глаголют:/ Пречистая Дево,/ мольбами Твоими избави рабы Твоя/ от веяния беды и печали.

**Канон похвалы Богородицы со ирмосом на 6 и праздника, глас 4, на 8.**

**Песнь 1**

**Ирмос: Отверзу уста моя,/ и наполнятся Духа,/ и слово отрыгну Царице матери,/ и явлюся, светло торжествуя,/ и воспою, радуясь, Той чудеса.**

Просвети́, Влады́чице, ду́ши на́ша заре́ю Божество́нною, па́че ума́ благода́тию Твое́ю,/ и незави́стный дар пода́ждь ми воспети́ Тя,/ я́ко Помо́щницу челове́ческому существу́, Препе́тая,/ ве́рное заступле́ние, на враги́ побéду оте́честву на́шему.

Прииди́те, собери́тесь, Росси́йстии собо́ри,/ в пречестный́ храм Всенепоро́чныя Влады́чицы/ и возопи́йте, уми́льно моля́щися, к честному́ образу́ взира́юще:/ Богороди́це Безневéстная, хваля́щая Тя спаси́.

Твой, Богома́ти, всечестный́ образ/ Богогласный́ Ева́нгелия Христо́ва списате́ль, пребожество́нный Лука́, написа́в,/ Творца́ всех на Твои́х честных́ руках́ вообрази́,/ к немуже́ притека́ющия напа́сти и печа́ли избавля́еши/ и вся покрыва́еши Твое́ю ми́лостию.

Храм прекра́сный, Содетель́ всех еди́ну Тя обрeт,/ в Тя всели́ся и челове́ки обожи́./ К Немуже́ за ны, Богороди́це, моли́ся,/ спасти́ ны от погáных пленéния и вся́кия инья́ скорби́, находя́щая на ны,/ да Твоего́ днесь́ образа́ срéтение всечeстно́ праздно́ем.

### Песнь 3

**Ирмо́с:** Твоя́ песносло́вцы, Богороди́це/ Живы́й и Незави́стный Исто́чнице,/ лик себе́ совоку́пльшия, духо́вно утверди́,/ в Божество́нной Твое́й сла́ве/ венце́в сла́вы сподо́би.

Все помышле́ние отвeргше, Богому́дрии, прииди́те в срéтение прекра́сных зарí,/ держа́щая пресвeтлую лучу́, вся просвеща́ющую/ и ми́лостию весь мир обогáщую.

Твою́, Богома́ти, всечестну́ю и чудотворну́ю ико́ну Росси́йстии лю́ди стяжавше́,/ я́ко заступле́ние крeпко и стéну неруши́му,/ моля́тся Ти, на враги́ побéду дарова́ти оте́честву на́шему.

Облак светоза́рный показáся,/ росóю благода́ти вся омыва́ющи телeсныя сквeрны/ и ду́ши просвеща́ющи, еди́на Всепeтая.

Дре́во многопло́дно явила́ся еси́, пи́щю неги́блющею вся насыща́ющи,/ ду́ши же веселя́щи, Богоневéсто Чи́стая,/ добродeя́ния всем источи́/ и от скорбeй ну́жных спаси́.

**Ин кондак, глас 8.**

**Подобен: Взбранной:**

К Взбранней́ Воево́де и Засту́пнице, Дeве и Богороди́це,/ в чистeй со́вести, ве́рою утверди́вшися, ру́sstии наро́ди,/ невозвратно́ наде́жду иму́ще, притеце́м,/ к чудотворному́ Ея́ и пречи́стому образу́, и возопи́ем Ей:/ ра́дуйся, Невéсто Неневéстная.

**Седáлен, глас 4.**

**Подобен: Удиви́ся Ио́сиф:**

Наро́ди боголюбивии́, прииди́те в срéтение:/ се бо приходит́ Дeва, всех проро́ков превы́шши,/ честным́ Свои́м образом, Жи́знодателя́ ми́ру на руках́ имeющи,/ град Свои́ сохраня́ти стра́ждущий, ва́рварскую дeрзость низложи́ти,/ вообрази́тися всем Хра́нительница́ тверда́,/ держа́ва и огражде́ние ве́рно моля́щимся.



Сла́ва, и ны́не, то́йже.

## Песнь 4

**Ирмо́с:** Неизсле́дный Бо́жий Совет, / еже от Де́вы воплоще́ния / Тебе́, Вы́шняго, / проро́к Авваку́м усмотря́я, зова́ше: / Сла́ва си́ле Твое́й, Го́споди.

Го́ру превелию, ю́же Дании́л ви́де, от не́яже ка́мень отсече́ся без руки́ / и вся собла́зны истни́, ве́рныя же просвети́, / и́стинное светоза́рное со́лнце пока́за, луча́ми просвеща́ющи, Богоро́дице Присноде́во.

Воору́жаются на лю́ди Тво́я, Чи́стая Богоро́дице, сы́нове Ага́рины, / злы́й совет тво́ряще, гра́ды разоря́юще, ве́рныя же погубля́юще, / но Ты, Всепе́тая, Твое́ю ми́лостию вся низложи́, / исмаи́льтяны враги́ покая́ющи оте́честву на́шему.

Не́бо одушевле́но, еди́на Богома́ти, Свет ве́лий прие́мши, / вся просвеща́ющи, тьму держа́щих бед разжени́ / и нас Вы́шняго прича́стия сподо́би.

Дави́д пред киво́том ликовству́ет, леви́ти же воспева́ют, / па́че же пред Тобо́ю, Богороди́тельнице Чи́стая, / Росси́я хвала́ми я́ко Цари́цу воспева́ет, / гласы́ моле́бными приле́жно Ти вопи́ющи: / ра́дуйся, Засту́пнице гра́да на́шего.

## Песнь 5

**Ирмо́с:** Ужасо́шася вся́ческая / о Божество́нной сла́ве Твое́й: / Ты бо, Неискусобра́чная Де́во, / имела́ еси́ во утробе́ над все́ми Бо́га / и родила́ еси́ Безле́тнаго Сы́на, / всем воспева́ющим Тя / мир подава́ющая.

Тебе́, Богома́ти, вели́кий во проро́цех Иса́ия прови́де дү́хом, / Угль име́ющу во чре́ве, ве́рныя просвеща́ющ и собла́зны вся пожига́ющ, / спаса́я род челове́ч.

Жезл Ааро́нов прозя́бла еси́ / и зло́бный ко́рень исторгну́ла еси́, Де́во Богоневе́стная, / Жизнода́теля ро́ждши ми́ру, / Егоче́ моли́ сему́ гра́ду спасти́ся от мно́гих напа́стей.

Ны́не у́бо присту́пите с весе́лием, Богоизбра́нное ста́до, Росси́йстии собо́ри, / ко Все́честне́й Бо́жии Ма́тери и честны́й Ея́ о́браз любе́зно приими́те: / се бо благода́ть неисчерпа́емая, во́ды точа́щи Божество́нныя неоску́дно, / Ю́же, ве́рнии, почти́м и честно́му образу́ Ея́ поклони́мся.

От ко́рене Иессе́ева дре́во возрасте́ всем животно́е, / Плод у́бо прозя́бла еси́ во утробе́ Твое́й, Де́во Чи́стая, / вся лю́ди насыща́ющи Твое́ю ми́лостию.

## Песнь 6

**Ирмо́с:** Божество́нное си́е и все́честно́е / соверша́юще пра́зднество, / Богому́дри, Богома́тере, / прииди́те, рука́ми воспле́щим, / от Не́й ро́ждшагося Бо́га сла́вим.

От Тебе́, Богома́ти, истече́ поток сла́дкий, / вся напая́я лю́ди, душ измыва́я скве́рны, Богоро́дице Влады́чице, / спаси́ всех, покланя́ющихся ве́рно честно́му о́бразу Твое́му.

Вси́ у́бо, совоку́пльшеся вку́пе, воспое́м Чи́стую Де́ву, / Богоизбра́нную ле́ствицу Иа́ковлю, Гедео́ново же руно́, ра́дости Хода́таицу, / кре́пость и похва́лу спаса́емых, Богороди́тельницу Чи́стую.

Се ныне веселие приближается, / скорбь же потребляется, вернии спасаются, / яко от источника радость почерпающе, выну хвалами воспевают: / радуйся, Чистая Владычице, спасения нашего начаток / и всех верных стена и похвала.

Подáждь нам пóмощь мольбáми Твоими, Пречистая Богородице, / скорби úбо находят на ны и печáли умножáются, врази ополчáются, / но Ты, Пречистая, представши, избáви, / врагов наших шатáние низложí, на враги побéду дáруй, / да посрамятся вси, являющии рабóм Твоим злáя.

## Кондак, глас 8.

### Подóбен: Взбрáнной:

**Взбрáнной Воевóде победительная,** / яко избáвльшеся от злых / пришéствием Твоегó честнáго óбраза, Владычице Богородице, / свéтло сотворяем прáзднество срéтения Твоегó и обы́чно зовém Ти: / радуйся, Невéсто Нене-вéстная.

#### Икос:

Ангел Предстáтель с Небесé послан бысть рещí Богородице: радуйся, / и, со безплóтным глáсом воплощáема Тя зря, Гóсподи, ужасáшеся, / и стояше, зовый к Ней такова́я: / радуйся, Еюже радость возсияет; / радуйся, Еюже кля́тва исчезнет. / Радуйся, пáдшаго Ада́ма воззвáние; / радуйся, слез Евиных избавлénие. / Радуйся, высотó неудобовосходíмая челове́ческими пóмысли; / радуйся, глубино́ неудобозрíмая и а́нгельскимá очíма. / Радуйся, яко еси́ Царéво седáлище; / радуйся, яко но́сиши Нося́щаго вся. / Радуйся, звездó, являющая со́лнце; / радуйся, утрóбо Божéственного воплощénия. / Радуйся, Еюже обновлáется тварь; / радуйся, Еюже поклоня́емся Творцú. / Радуйся, Невéсто Неневéстная.

## Песнь 7

**Ирмо́с:** Не послужи́ша твáри Богомúдрии / пáче Созда́вшаго, / но, óгненное прещéние мýжески попрáвше, / ра́довахуся, пою́ще: / препéтый отцéв Гóсподь и Бог, благословéн еси́.

Яко порфи́рою и ви́ссом, червлéною хламíдою, Дéво Богородице Влады́чице, / град Твой Тобóю одéявся, Христа́ величáет / и пришéствие честнáго Твоегó óбраза сла́вит, / я́вльшася пáче луч со́лнечных / и немра́чным свéтом просвещáюща велегласно хваля́щая Тя.

Скрижа́ли, богописанныя пéрстом Дúха, в я́рости Моисéй сокруши́; / но в Тебé, Чистая, пресла́вный Творец всели́вся, неврédну Тя сохрани́. / Емúже поём: / отец наших Бóже, благословéн еси́.

Прими́ Твоих раб мольбы, Пречистая Дéво Богородице, / непостоя́нную бúрю ути́ши моли́твами Твоими / и советы протíвных врагов разжени́, / нападающих на ста́до Твоé, Всенепорóчная Влады́чице.

Тебé еди́ну Помóщницу рóду челове́ческому, Богородице Мари́е, / Зиждíteль всех рождествóм Своим назнáмена и проро́цы прообрази́ша: / ов Тя дверь, ин же Ты лóжницу Бóжию; / мы же Тя воспева́ем Родите́льницу Бóжию, и Ходáтаицу к Бóгу, / и

Заступницу от всех зол, находящих на ны.

## Песнь 8

**Ирмос:** Отроки благочестивыя в пещи/ Рождество Богородичо спасло есть,/ тогда убо образуемое,/ ныне же действуемое,/ вселенную всю воздвизает пети Тебе:/ Господа пойте, дела,/ и превозносите его во вся веки.

Како Тя, Дево, по достоянию воспоем?/ Помощь твердую, Хранительницу жизни наша/ и Ходатаицу непреложну к Сыну Твоему и Богу нашему,/ Егоже воспеваем и превозносим во веки.

Цвете прекрасный и воня пищная, облагоухаеши, Богородице Марие, вся,/ и спасаеши, и от недуг исцеляеши, басы прогоняеши./ Темже Ти вопием:/ радуйся, Помощнице всем молящимся верным.

Стол явльшися, Богомати, нахождения противных отгоня:/ Тя бо чтущим сердцем теплым явилася еси стена, и ограждение,/ и спасительное прибежище.

Давидски воспеваем Ти песнь, гору Божию Тя именующе, Пречистая Дево:/ Источника бо сущим приснотекущего источника еси./ Егоже поем и превозносим во веки.

## Песнь 9

**Ирмос:** Всяк земнородный/ да възграется, Духом просвещаемь,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная Богородице,/ Чистая Приснодево.

Радости Ходатаице, возвесели наш смысл вопити Тебе, Богородице Чистая:/ радуйся, Хранительнице наша,/ державо, и ограждение, и спасительное прибежище.

Да восхвалят согласно Тя небо и земля,/ яко Жизнодателя миру рождши:/ радуйся, тихое пристанище, животных воды источнике неисчерпаемый, Владычице.

Собравшися днесь, людие, во сретение Пречистой Божия матери,/ Яже винограда мысленного грезн носящи,/ вино источающ всегда и веселия всех исполняющ,/ яко Богородицу по долгу славим.

Божественная река вод животных, вся удолия напояющи,/ наша соблазны, Богомати, погрузи и до конца потреби.

**Светилен.**

**Подобен: Посетил ны:**

Да почтится днесь Богомати, Зиждителя рождающая,/ райских дверей отвержение и всего мира очищение,/ победу давшая христолюбивому воинству,/ о Сей бо пророцы глаголаша, Той поклонимся.

**Слава, и ныне:**

Пресветлая днесь милостивная светлость,/ Божия благодать, вся радостно одождяет небесными тучами,/ на стези сладкия направляющи, Богородице Владычице,/ всех, познавших Тя земных, Принодево,/ ныне бо вся земля Российская радуется, верою Тя славящи.

## НА ХВАЛИТЕХ СТИХИРЫ, НА 4, ГЛАС 4.

**Подобен: Яко дбля:**

**3. Стих:** Хвалите Его на силах Его,/ хвалите Его по множеству величества Его.

**4. Стих:** Хвалите Его во гласе трубнем,/ хвалите Его во псалтири и гуслех.

Наставницу Тя заблудшим/ и пристанище спасительное/ в пучине, Владычице, и в буре,/ и во искушениях, и в печалех/ Христос Тя всем покажет,/ Сын Твой и Бог наш,/ верно приходящим к Тебе./ Егоже моли от злых бед избавитися/ ведущим Богородицу Тя воистинну. **Дважды.**

**5. Стих:** Хвалите Его в тимпане и лице,/ хвалите Его во струнах и органе.

Тление потребила еси/ и болезнь, Всепетая, древнюю всю Рождеством Твоим:/ Живот бо миру рождши/ и смерть разрушивши,/ болезни, Благая, исцеляеши/ верно образа Твоего чудеса воспевающих,/ и любовьию кланяющихся,/ и чтущих Тя, Святую и честнейшую Наставницу.

**6. Стих:** Хвалите Его в кимвалех доброголасных, хвалите Его в кимвалех восклицания./ Всякое дыхание да хвалит Господа.

Яко источник Тя, Препетая,/ живота и благодати, источающий чудеса/ и цельбу страстей душевных и телесных,/ яко быстрину оставления,/ милости щедрот неисчерпаемое море видяще,/ Тебе припадаем, вси, оскорбляеми ныне,/ просяще вси разрешения будущего мучения.

«Слава, и ныне» – глас 8:

Иже на Херувимех ѓздяй/ и певаемый от Серафим,/ сшел еси с Небес пророчески, Блаже,/ и вселился еси во утробу Чистыя Богоотроковицы,/ Юже Ангели воспеша тайно:/ радуйся, радостная Дѣво,/ необъятнаго яко Бога во чреве Твоем приемши паче слова,/ от неверия в веру мир преводяща./ Слава Тебе, Христѣ, еди́не Милостиве и Человеколю́бче.

**Славословіе великое. И отпуст.**

**НА ЛИТУРГИИ**

**Блаженны, от канона песни 3-я и 6-я. Служба вся Богородицы.**

**Тропарь, глас 4:**

Днесь свѣтло красуется сла́внейший град Москва́,/ яко зарю́ со́лнечную, восприѣмши, Влады́чице,/ чудотворную Твою́ ико́ну,/ к нейже ны́не мы притека́юще и моля́щеся Тебе́, взыва́ем си́це:/ о пречу́дная Влады́чице Богороди́це!/ Моли́ся из Тебе́ вопло́щенному Христу́ Бо́гу нашему́,/ да изба́вит град сей/ и вся гра́ды и страны́ христі́анскія невреді́мы от всех навет вра́жиих// и спасѣт ду́ши наша́, яко Милосѣрд.

**Моли́тва**

О Всеми́лостивая Госпоже́ Богороди́це, Небѣсная Цари́це, Всемощная Засту́пнице, непосты́дное наше Упова́ние! Благодаря́ще Тя о всех вели́ких благодея́ниях, в роды́ родовъ лю́дем Россійским от Тебе́ бывших, пред пречы́стым образом Твои́м моли́м Тя: сохрани́ град сей (или: весь сию́, или: святу́ю обитель сию́) и предстоя́щія рабы́ Твоя́ и всю Зѣмлю Ру́скую от гла́да, губительства, земли́ трясе́ния, пото́па, огня́, мечá, нашествія иноплеме́нных и междоусобны́х бра́ни. Сохрани́ и спаси́, Госпоже́, Вели́каго Господі́на и Отца́ нашего́ (и́мя рек), Святе́йшаго Патриарха́ Московскаго и всея́ Русй, и Господі́на нашего́ (и́мя рек), Преосвяще́ннейшаго еписко́па (или: архиеписко́па, или: митрополи́та) (титул), и вся Преосвяще́нныя митрополи́ты, архиеписко́пы и еписко́пы правосла́вныя. Дажь им Цѣрковь Россійскую до́бре упра́вити, вѣрныя о́вцы Христо́вы неги́блемы соблюсти́. Помяни́, Влады́чице, и весь священни́ческий и мона́шеский чин и спасѣ́ние их, согре́й сердца́ их ре́вностию о Бо́зе и досто́йно званія своего́ ходи́ти коего́ждо укрепі́. Спаси́, Госпоже́, и помилуй и вся рабы́ Твоя́ и да́руй нам путь земна́го по́прища без поро́ка преити́. Утверди́ нас в вѣре Христо́вей и во усѣрдіи ко Правосла́вней Цѣркви, вложи́ в сердца́ наша́ дух стра́ха Бо́жия, дух благоче́стия, дух смире́ния, в напáстех терпѣ́ние нам пода́ждь, во благоде́нствии – воздержáние, к бли́жним любóвь, ко враго́м всепро́щение, в до́брых дѣлех преуспе́яние. Изба́ви нас от вся́каго искуше́ния и от окамене́ннаго нечу́вствия, в стра́шный же день Суда́ сподо́би нас ходáтайством Твои́м ста́ти одесну́ю Сы́на Твоего́, Христа́ Бо́га нашего́, Ему́же подобáет вся́кая Сла́ва, честь и поклонѣ́ние со Отце́м и Святы́м Ду́хом, ны́не и прісно и во ве́ки веков. Ами́нь.

Владимирская икона Божией матери написана Евангелистом Лукой на доске от стола, за которым трапезовал Спаситель с Пречистой матерью и праведным Иосифом. Божия мать, увидев этот образ, произнесла: «Отныне ублажат Меня все роды. Благодать Рождшегося от Меня и моя с этой иконой да будет».

В 1131 году икона была прислана на Русь из Константинополя святому князю Мстиславу (1132, память 15 апреля) и была поставлена в Девичьем монастыре Вышгорода – древнего удельного города святой равноапостольной великой княгини Ольги.

Сын Юрия Долгорукого святой Андрей Боголюбский в 1155 году принес икону во Владимир и поместил в воздвигнутом им знаменитом Успенском соборе. С того времени икона получила наименование Владимирской. В 1395 году икону впервые принесли в Москву. Так благословением Божией матери скрепились духовные узы Византии и Руси – через Киев, Владимир и Москву.

Владимирской иконе Пресвятой Богородицы празднование бывает несколько раз в году (21 мая, 23 июня, 26 августа). Наиболее торжественное празднование совершается 26 августа, установленное в честь сретения Владимирской иконы при перенесении ее из Владимира в Москву. В 1395 году страшный завоеватель хан Тамерлан (Темир-Аксак) достиг пределов рязанских, взял город Елец и, направляясь к Москве, приблизился к берегам Дона. Великий князь Василий Дмитриевич вышел с войском к Коломне и остановился на берегу Оки. Он молился святым Московским и преподобному Сергию о избавлении Отечества и написал Митрополиту Московскому, святителю Киприану (память 16 сентября), чтобы наступивший Успенский пост был посвящен усердным молитвам о помиловании и покаянию. Во Владимир, где находилась прославленная чудотворная икона, было послано духовенство. После литургии и молебна в праздник Успения Пресвятой Богородицы духовенство приняло икону и с крестным ходом понесло ее к Москве. Бесчисленное множество народа по обеим сторонам дороги, стоя на коленях, молило: «Мать Божия, спаси землю Русскую!» В тот самый час, когда жители Москвы встречали икону на Кучковом поле, Тамерлан дремал в своем шатре. Вдруг он увидел во сне великую гору, с вершины которой к нему шли святители с золотыми жезлами, а над ними в лучезарном сиянии явилась Величая Жена. Она повелела ему оставить пределы России. Проснувшись в трепете, Тамерлан спросил о значении видения. Знающие ответили, что сияющая Жена есть мать Божия, великая Защитница христиан. Тогда Тамерлан дал приказ полкам идти обратно. В память чудесного избавления Русской земли от Тамерлана на Кучковом поле, где была встречена икона, построили Сретенский монастырь, а на 26 августа было установлено всероссийское празднование в честь сретения Владимирской иконы Пресвятой Богородицы.

Пред Владимирской иконой матери Божией свершились важнейшие события Русской церковной истории: избрание и поставление святителя Ионы – Предстоятеля Автокефальной Русской Церкви (1448 г.), святителя Иова – первого Патриарха Московского и всея Руси (1589 г.), Святейшего Патриарха Тихона (1917 г.). В день празднования в честь Владимирской иконы Божией матери совершена интронизация Святейшего Патриарха Московского и всея Руси Пимена – 21 мая/3 июня 1971 г.

Исторические дни 21 мая, 23 июня и 26 августа, связанные с этой святой иконой, стали памятными днями Русской Церкви.

## **Празднование Пресвятѣй Владычице нашей Богородице и Приснодѣве Маріи ради иконы Ея, именуемая «Елецкая-Владимирская»**

### **Тропарь, глас 4:**

**Днесь свѣтло красуется дрѣвний град Елец, / поминáюще  
слáвное чúдо Пресвятыя Богородицы: / егда́ бо на стóгнах  
Первопрестóльныхя Москвы́ / икону́ Ея́ чúдную лю́дие мос-  
кóвстии сретáху, / тогда́ Самá, Влады́чице, на горé Арга-  
мáчстей во гра́де Ельце́, / на срѣтение нечестíвому Тамер-  
лану́ изшѣдше, / грóзное егó нашѣствие вспя́ть обратí. /  
Сегó дíвнаго явлѣния изображѣние на новопíсанней  
икóне зря́ще / и Застúпницу на́шу за вся благоде́яния Ея́  
благодаря́ще, / умíльно Ей взыва́ем: / и в прѣдняя не ос-  
та́ви нас, о Мáти Милосѣрдая.**

Елецкая икона Божией матери. Празднование этой иконе установлено в память о явлении Пресвятой Богородицы в 1395 году в городе Ельце во время нашествия татаро-монгольских полчищ на Русскую землю. Предводителю вражеских войск Тамерлану в сонном видении явилась Пресвятая Богородица, о чем сам Тамерлан впоследствии рассказывал, что он видел Светоносную Жену, запретившую ему идти дальше. В страхе и смятении Тамерлан повелел войскам отступить от города. Так была спасена Русская земля от опасного нашествия благодаря заступничеству Царицы Небесной.



## Знаменного роспева

Т.І  
 Т.ІІ  
 Дос - той - но есть ве - ли - ча - ти  
 Бар.  
 Б.  
 Тя, Бо - го - ро - ди - це, Чест - ней - шу - ю  
 Хе - ру - вим и Слав - ней - шу - ю,  
 без срав - не - ни - я Се - ра - фим.

**Б**оже, суд Твой Царéви даждь/ **и** правду твою Сыну Царéву,/ **с**удити людем Твоим в правде/ **и** нищим Твоим в суде./ **С**удит нищим людским и спасет сыны убóгих./ **Б**лаговестите день от дне спасение Бога нашего,/ **Г**осподь даст глагол благовествующим силою мно́гою./ **К**лятсЯ Господь Давиду истиною и не отвержется ея./ **О**т плода чрева Твоего посажду на престоле Твоём./ **С**нидет, яко дождь на руно́, и яко ка́пля, ка́плющая на зéмлю./ **И** приклонí небеса́, и сниде, и мрак под нога́ма Егó./ **Я**ко избра́ Господь Сиона, изволи егó в жилище Себе́./ **О**святíл есть селение Свое Вы́шний.

# На хвалі́тєхъ стїхїры на д̄, гл҃сѣ д̄

Канонархъ: гл҃сѣ д̄, подобенъ: Іѡкѡ добла: Хвалі́тє є̀гò на сілахъ є̀гò,

Т.І  
Т.ІІ

ХВА - ЛІ - ТЕ є̀ - ГО ПО МНО - ЖЕСТ - ВѢ ВЕ - ЛІ - ЧЕСТ - ВІ - ѿ є̀ - ГО.

Бар.  
Б.

Канонархъ: Хвалі́тє є̀гò во гл҃сѣ трѣбѣмъ,

ХВА - ЛІ - ТЕ є̀ - ГО ВО ПЛА - ТИ - РИ ѿ ГДЕ - ЛЕХЪ.

1

НА - СТАВ - НИ - ЦѢ ТѢ ЗА - БЛ҃ЖДА - ШЫМЪ, ѿ ПРИ - СТА - НИ - ЦЕ

СПА - СІ - ТЕЛЬ - НО - Е, ВЪ ПѢ - ЧІ - НѢ, ВЛА - ДЫ - ЧИ - ЦЕ,

ѿ БѢРН, ѿ ВО НКѢШЕНІИХЪ ѿ ВЪ ПЕ - ЧА - ЛЕХЪ, ХРИ - СТОСЪ ТѢ

ВѢМЪ ПО - КА - ЗА, СЫНЪ ТВОѢ ѿ БОГЪ НАШЪ,



ВѢр - нѡ при - хо - дѣ - цымыз кз те - бѣ. ѿ - го - же мо - ли,

ѡ слыхз бѣдз ѿз - бѣ - ви - ти - са вѣ - дѣ - цымыз

ДВАЖДЫ.  
бо - го - ро - ди - цѣ тѣ бо - ѿс - ти - нѣ.

Хвали́те ѿго́ вѣ тѣмпа́нѣ ѿ ли́цѣ,

хва - ли - те ѿ - го́ во стру - нахз ѿ ор - га - нѣ.

2

Тѣ - нѣ - е по - тре - би - ла ѿ - сѣ, ѿ бо - лѣзнь, все -

пѣ - та - ѡ, дре - в - ню - ю всю, ро - ж - де - ст - во - мз тво - ѿмз:



ЖИ-ВОТЪ БО МІ - ро - ви рѡжд - ши, ѿ смѣртѣ раз - рѣ -



шѣв - - - ши, бо-лѣз-ни, бѣ - гѣ - ѡ, ѿс - цѣ -



лѣ - е - ши, вѣр - нѡ ѡбразѣ твоегѡ ѡдѣлѣ вос - пѣ - вѣ - ю - щихъ,



ѿ лю - бѡ - вѣ - ю клѣ - - на - ю - щихъ-са, ѿ чтѣ -



щихъ тѣ сѣдѡ ѿ честнѣйшѡ - ю на - стѣв - ни - цѣ.

Хвалите ѿгѡ въз кѡмвалѣхъ доброгласныхъ. хвалите ѿгѡ въз кѡмвалѣхъ восклицаніѡ.



всѣ - ко - е ды - хѣ - нї - е да хвѣ - литъ гос - по - да.

3

ꙗ - ко ѿ - точ - ни - ка - та, пре - вѣ - та - а, жи - во - та ѿ бла -  
 го - да - ти, ѿ - то - ча - ю - щий чю - де - са, ѿ  
 цѣльбѣ страстей душевныхъ ѿ тѣ - лес - ныхъ, ꙗ - ко бы - стринѣ ѿс -  
 та - в - ле - нї - а, ми - лости щедротъ неисчерпаемое море  
 ви - да - ще, те - бѣ припадаемъ вси ѿ кораблемі - и ны - нѣ,  
 про - са - ще вси разрѣшенїа бѣдѣца - го мѣ - че - нї - а.

